

**IN
AUSPICATISSIMAS
NUPTIAS JOANNIS
BAPTISTÆ
CHILESOTTI ET...**

Stefano Stefani



4
scd.

IN
AUSPICATISSIMAS NUPTIAS
JOANNIS BAPTISTÆ CHILESOTTI
ET
JOANNÆ BERTOLINI



VICETIÆ
TYP. PICUTTI EDIT.
1839.

AD SPONSÆ MATREM

ELEGIDION

Dulcia conjugio arridens cum vincula Natae

Ferret Amor, visa es triste queri, Genitrix.

Tune procul ? tu, cara, meis divelleris ulnis?

O sponsa, o tota saepe dolenda domo !

Acer Amor, duo sic rapuisti pignora: nobis

Hoc etiam pignus surripis, acer Amor ?

Nata haerens fletu nitidos suffudit ocellos:

Maternae lacrymis immauere genae.

Parce dolere, Parens. Saevum quid fingis Amorem?

Hic si crimen habet, Tu quoque crimen habes.

Aurea coelesti decorat Te lumine Virtus:

Par veniens Natis inde refulget honor.

Religio cordi: pudibundo Gratia vultu:

Stant comites Curae, sedula turba, domus.

Quid mirum surrepta tibi tot pignora, Mater !

Sit quamvis captus lumine, cernit Amor.

Sic cespes, cui vere rosas levis educat aura,

Invitat cupidus in sua damna manus.

Necte volens Sponsae florentia sarta capillis:

Illa eat eximio spes columnenque Viro.

Talis Tu quondam gremio de Matris abibas,

O matronalis clare decor generis.

204

AD SPONSÆ PATREM

EPIGRAMMA

Annis egregia seris Te prole parentem,

Te, Thoma, o sanctos inter habende senes,

Laetitia ut niveis plaudens circumvolat alis,

Tertia dum tanto Filia nupta Viro est !

Felix, quem Uxor amans, jucundo quem agmine cingunt

Maxima spes, Nati, maxima spes,Generi !

G. A—S. S.

100170

